



# Icyegeranyo cy'amakuru y'imikino yaranze icyumweru

2023

Taliki 19–22 Gicurasi



P.1 Football : AS Kigali yegukanye igikombe cy'Amahoro 2023

## Ijambo ry'ibazze

Komite Olempike y'u Rwanda yashyizeho iki cyegeranyo mu rwego rwo kurushaho kumenyekanisha ibikorwa byayo n'iby'abanyamuryango bayo (Amashyirahamwe y'l'mikino mu Rwanda) hagamijwe gukomeza guteza imbere siporo no kuyikundisha Abanyarwanda muri rusange by'umwihariko abakiri bato.

Iki cyegeranyo gikubiyemo amakuru n'ibikorwa bya siporo byaranze icyumweru, kikazajya gisohoka rimwe mu cyumweru.

Ntigisimbura kandi izindi nzira Komite Olempike y'u Rwanda isanzwe ikoresha mu kugeza amakuru ku banyamuryango bayo n'abanyarwanda muri rusange.

# Ibirimo

- P1 **Football:** AS Kigali yegukanye igikombe cy'Amahoro 2023
- P1 **Boccia:** Musanze yegukanye igikombe cya shampiyona
- P2 **Fencing:** Nayituriki na Sifa Umutangana begukanye irushanwa ryo Kwibuka
- P2 **Volleyball:** Mouloudia VC yegukanye igikombe cy'Afurika, REG VC isoreza ku mwanya wa 6
- P3 **Basketball:** Uko imikino ya shampiyona yagenze
- P4 **Rugby:** Lion de Fer na Ruhango Zebras zegukanye irushanwa ryo Kwibuka
- P5 **Football:** Uko imikino y'umunsi wa 29 yageze
- P5 **Badminton:** Abakinnyi 70 ni bo bitabiriye irushanwa ryo Kwibuka
- P6 **Volleyball:** Zamalek yegukanye igikombe cy'Afurika, APR VC yongeye kwegukana umwanya wa 6
- P6 **Football:** Etoile de l'Est FC n'Amagaju FC zazamutse mu cyiciro cya mbere
- P7 **Tennis:** **Niyigena na Umumararungu** ni bo begukanye irushanwa ryo Kwibuka
- P7 **Cycling:** Habaye irushanwa ry'abakiri bato
- P8 **Swimming:** CS Karungi yegukanye shampiyona ikinirwa mu mazi magari

## Football: AS Kigali yegukanye igikombe cy'Amahoro 2023

Taliki 21 Gicurasi 2023 kuri Sitade Mumena habereye umukino wa nyuma w'igikombe cy'Amahoro 2023 mu cyiciro cy'abagore "Women Peace Cup 2023".

Ikipe ya AS Kigali isanzwe ikina shampiyona y'icyiciro cya mbere ni yo yegukanye igikombe itsinze Rayon Sports yo mu cyiciro cya kabiri gusa ikaba yazamutse mu cyiciro cya mbere. Muri uyu mukino, ikipe ya Rayon Sports ni yo yafunguye amazamu ku munota wa 29 naho AS Kigali yishyura iki gitego ku munota wa 32. Nyumayiminota 90 hongeweho iminota 30 y'innyongera birangira ari gitego 1-1 hitabazwa penaliti, AS Kigali yinjiza 3 kuri 2 za Rayon Spots.



## Boccia : Musanze yegukanye igikombe cya shampiyona

Taliki 20 Gicurasi 2023, kuri Sitade ya Bugesera habereye imikino ya nyuma ya shampiyona mu mukino wa Boccia "Boccia Championship 2023".

Ikipe y'Akarere ka Musanze ni yo yegukanye igikombe cya shampiyona ya 2023 nyuma yo gutsinda imikino ibiri muri 3 yakinnye igasoza ifite amanota 14.

Amakipe 8 ni yo yitabiriye shampiyona y'uju mwaka wa 2023 gusa amakipe 4 ni yo yakinnye imikino ya nyuma ari yo Musanze, Rutsiro, Gakenke na Ngororero.

Muri iyi mikino yabereye mu Karere ka Bugesera, ikipe y'Akarere ka Musanze yatsinze Rutsiro 5-1, itsinda Ngororero 6-5, itsindwa na Gakenke 4-3. Musanze yasoje ifite amanota 14 ikurikirwa na Ngororero n'amanota 13, Gakenke ku mwanya wa 3 n'amanota 12 naho Rutsiro iza ku mwanya wa 4 n'amanota 9.

Ikipe ya Musanze yabaye iya mbere yahembwe igikombe ndetse ihabwa ibikoresho birimo imyambaro yo gukinisha. Izindi nazo zahawe ibihembo birimo imyambaro.

### Uko imikino ya nyuma yagenze

- Gakenke 1-6 Rutsiro
- Musanze 5 -1 Rutsiro
- Ngororero 2-7 Gakenke
- Musanze 6-5 Ngororero
- Gakenke 4-3 Musanze
- Rutsiro 2-6 Ngororero



## Fencing: Nayituriki na Sifa Umutangana begukanye irushanwa ryo Kwibuka

Taliki 20 Gicurasi 2023, ishyirahamwe ry'umukino wa Fencing mu Rwanda "RFF" ryateguye irushanwa ryo Kwibuka abari muri siporo bishwe muri Jenoside yakorewe Abatutsi mu 1994.

Muri iri rushanwa ryabereye mu Kigo cy'impfubyi ahazwi nko kwa Gisimba i Nyamirambo.

Mu bagabo, Nayituriki Ibrahim ukinira ikipe ya Dreams Fencing Club ni we wegukanye umwanya wa mbere akurikirwa na Niyomugabo Jerome ukinira Southern Fencing Club, ku mwanya wa 3 haza Ntakirutimana Yvan ukinira Dream Fencing Club naho ku mwanya wa 4 haza Mugisha Suma nawe ukinira ikipe ya Dreams.

Mu bagore, Umutangana Sifa ukinira Southern Fencing Club yegukanye umwanya wa mbere akurikirwa na Ikirezi Djazila ukinira Dream Fencing Club, ku mwanya wa 3 haje Ingabire Clemence ukinira Southern Fencing Club naho ku mwanya wa 4 haza Uwimana Francine nawe ukinira Southern Fencing Club



## Volleyball: Mouloudia VC yegukanye igikombe cy'Afurika, REG VC isoreza ku mwanya wa 6

Taliki 09 kugeza 21 Gicurasi 2023, mu Muji wa Kelibia muri Tunisia habereye imikino y'Afurika y'amakipe yitwaye neza iwayo mu bagabo "Men African Volleyball Clubs Championship 2023".

Ikipe ya Moulodia VC yo muri Tunisia ni yo yegukanye igikombe itsinze ku mukino wa nyuma ikipe ya Zamalek VC yo mu Misiri amaseti 3-2 (20-25,22-25,26-24,25-23 na 15-12).

Ikipe ya REG VC yari ihagarariye u Rwanda yasoreje ku mwanya wa 6 mu makipe 15.

Iri rushanwa ryari ryitabiriwe n'amakipe 16 aho yari agabanyije mu matsinda 4. Itsinda A ryari rigizwe na AS Marsa VC (Tunisia), NJR CN VC (Nigeria) na Zamalek VC (Egypt). Itsinda B rrimo Port De Douala (Cameroun), Olympique Montagne Goyaves SC "OGM" (Mauritius), Rukinzo VC (Burundi) na Green Buffaloes VC (Zambia). Itsinda C ryari rrimo Kenya Ports Authority (Kenya), ISEG (Senegal), CAM Sports (Cameroun) na JSCOA VC (Algeria) naho itsinda D rrimo AS INJS VC (Cote d'Ivoire), Mouloudia VC (Tunisia), REG VC (Rwanda) na Ethiopia Mugher (Ethiopia).

### Uko amakipe yakurikiranye

Ikipe ya Mouloudia VC yasoreje ku mwanya wa mbere ikurikirwa na Zamalek VC (2), JSCOA VC (3), Port De Douala (4), AS Marsa VC (5), REG VC (6), Kenya Ports Authority (7), Green Buffaloes VC (8), NJR CN VC (9), Olympique Montagne Goyaves SC "OGM" (10), CAM Sports (11), Rukinzo VC (12), ISEG (13), AS INJS VC (14) na Ethiopia Mugher (15).


Mu irushanwa riheruka muri 2022, ikipe ya Al Ahly ( Misiri) ni yo yegukanye igikombe ikurikirwa na Esperance de Tunis (Tunisia) naho ikipe ya Gisagara VC isoreza ku mwanya wa gatatu.



# Basketball: Uko imikino ya shampiyona yagenze

Taliki 20 Gicurasi 2023 habaye imikino ya shampiyona mu mukino wa Basketball y'icyiciro cya mbere n'icya kabiri mu bagabo.

## Uko imikino yagenze



RANK	TEAM	PG	W	L	F	PTS	FOR	AGAINST	GD
1	REG BBC	17	16	1	0	33	1603	1034	569
2	ESPOIR BBC	17	14	3	0	31	1433	1160	273
3	K TITANS BBC	19	11	8	0	30	1523	1357	166
4	UGB	19	10	9	0	29	1329	1328	1
5	ORION BBC	18	10	8	0	28	1338	1321	17
6	TIGERS BBC	18	10	8	0	28	1272	1184	88
7	PATRIOTS BBC	12	10	2	0	22	989	713	276
8	SHOOT 4 STARS BBC	17	5	12	0	22	1182	1409	-227
9	RP-IPRC HUYE BBC	17	4	13	0	21	1154	1422	-268
10	APR BBC	11	9	2	0	20	992	596	396
11	RP-IPRC KIGALI BBC	18	0	18	0	18	1113	1574	-461
12	RP-IPRC MUSANZE BBC	17	1	16	0	18	847	1677	-830

PG: PLAYED GAMES W: WIN L : LOSS PTS: POINTS GD: GOAL DIFFERENCE



RANK	TEAM	PG	W	L	F	PTS	FOR	AGAINST	GD
1	RUSIZI BBC	13	13	0	0	26	1003	770	233
2	INTARE BBC	13	8	5	0	21	879	795	84
3	THE HOOPS	11	8	3	0	19	783	703	80
4	ELITE BBC	14	5	9	0	19	936	890	46
5	ITS KIGALI BBC	11	7	4	0	18	787	704	93
6	UR KIGALI BBC	14	4	10	0	18	895	919	-24
7	KARONGI BBC	12	6	6	0	18	822	723	99
8	KICUKIRO BUCKETS	12	5	7	0	17	721	670	51
9	UK BBC	12	0	12	0	12	563	1225	-662

RANK	TEAM	PG	W	L	F	PTS	FOR	AGAINST	GD
1	KEPLER BBC	13	12	1	0	25	954	636	318
2	INSPIRED GENERATION	12	10	2	0	22	946	585	361
3	FLAME BBC	12	8	4	0	20	848	696	152
4	AZOMCO BBC	12	8	4	0	20	724	757	-33
5	UR HUYE BBC	13	6	7	0	19	893	896	-3
6	WIBENA BBC	13	6	7	0	19	822	793	29
7	BLACK THUNDERS BBC	14	4	10	0	18	703	1004	-301
8	REBERO BB ACADEMY	11	2	9	0	13	533	693	-160
9	SPARTANS BBC	12	0	12	0	12	517	880	-363

# Rugby : Lion de Fer na Ruhango Zebras zegukanye irushanwa ryo Kwibuka

Taliki 20 Gicurasi 2023, ishyirahamwe ry'umukino wa Rugby mu Rwanda "RRF" ku bufatanye na Minisiteri ya Siporo "MINISPORTS" na Komite Olempike y'u Rwanda ryateguye irushanwa ryo Kwibuka ku nshuro ya 29 Jenoside yakorewe Abatutsi mu 1994 by'umwihariko abari mu muryango mugari wa siporo barimo abakinnyi, abatoza, abasifuzi n'abafana.

Ikipe ya Lion de Fer RFC mu bagabo na Ruhango Zebras mu bagore ni zo zegukanye iri rushanwa rikinwa n'abakinnyi 7 aho ryari ryabereye ku Kibuga cya Croix Rouge Kacyiru.

Mu bagabo hari hitabiriye amakipe 7 aho yari mu matsinda abiri, itsinda A ryari rigizwe na Thousand Hills RFC, Muhanga Thunders RFC, UR Grizzlies RFC na Rubavu Black Eagles RFC naho itsinda B rigizwe na Lion de Fer RFC, Kigali Sharks RFC na Burera Tigers RFC.

Mu bagore hari hitabiriye amakipe 6 aho yari mu matsinda abiri, itsinda A ryari rigizwe na Ruhango Zebras, Kamonyi Panthers A na UR Grizzlies naho itsinda B ririmo UR Rukara, Kamonyi Panthers B na Lion de Fer RFC.

## Uko imikino yagenze

### Mu bagabo

#### Itsinda A

- Thousand Hills **10-07** Muhanga Thunders
- UR Grizzlies **05-00** Rubavu Black Eagles
- Muhanga Thunders **18-00** UR Grizzlies
- Rubavu Black Eagles **00-45** Thousand Hills
- Thousand Hills **57-00** UR Grizzlies
- Rubavu Black Eagles **05-33** Muhanga Thunders



#### Itsinda B

- Burera Tigers **00-43** Lion de Fer
- Kigali Sharks **19-12** Burera Tigers
- Lions de Fer **26-05** Kigali Sharks



### Umukino wa nyuma

Thousands Hills **07-17** Lion de Fer

### Mu bagore

#### Itsinda A

- UR Grizzlies **23-00** Kamonyi Panthers A
- UR Grizzlies **05-10** Ruhango Zebras
- Ruhango Zabras **24-00** Kamonyi Panthers A



#### Itsinda B

- UR Rukara **10-05** Kamonyi Panthers B
- Lion de Fer **00-12** Kamonyi Panthers B
- Lions de Fer **00-42** UR Rukara



### Umukino wa nyuma

- Ruhango Zebras **42-00** UR Rukara

## Football : Uko imikino y'umunsi wa 29 yageze

Taliki 20 na 21 Gicurasi 2023 hakinwe imikino y'umunsi wa 29 ya shampiyona y'icyiciro cya mbere mu mupira w'amaguru mu bagabo. Ikipe ya Kiyovu yatsinzwe na Musanze FC bituma itakaza umwanya wa mbere ku rutonde ndetse n'amahirwe yo kwegukana igikombe. Ikipe ya APR FC yatsinze Rwamagana City FC ihita iyobora urutonde by'agateganyo iniyongerera amahirwe yo kwegukana igikombe cya shampiyona.

Imikino y'umunsi wa nyuma wa 30 biteganyijwe ko izaba taliki 27 na 28 Gicurasi 2023.

### Uko imikino yagenze

#### Taliki 20-05-2023

- Gorilla FC 0-0 Mukura
- Gasogi United 2-2 Police FC

#### Taliki 21-05-2023

- Sunrise FC 1-0 Kiyovu
- Etincelles FC 3-2 Bugesera FC
- Espoir FC 0-1 Musanze FC
- AS Kigali 0-2 Rutsiro FC
- Rayon Sports 2-0 Marines FC
- APR FC 4-1 Rwamagana City

## Urutonde rwa shampiyona 2022-2023

Umwanya	Ikipe	Imikino	Amanota
1	APR FC	29	60
2	Kiyovu	29	60
3	Rayon Sports	29	58
4	AS Kigali	29	47
5	Police FC	29	47
6	Etincelles FC	29	43
7	Mukura	29	42
8	Gasogi United	29	40
9	Gorilla FC	29	39
10	Musanze FC	29	37
11	Sunrise FC	29	34
12	Marines FC	29	31
13	Rutsiro FC	29	30
14	Rwamagana City	29	30
15	Bugesera FC	29	29
16	Espoir FC	29	17



## Badminton : Abakinnyi 70 ni bo bitabiriye irushanwa ryo Kwibuka

Taliki 20 Gicurasi 2023, ishyirahamwe ry'umukino wa Badminton mu Rwanda "RBSF" ryateguye irushanwa ryo Kwibuka abari muri siporo bishwe muri Jenoside yakorewe abatutsi mu 1994 "Badminton Genocide Memorial Tournament 2023".

Iri rushanwa ryabereye mu Nzu y'urubyiruko ya Kimisagara "Kimisagara Youth Center" ryitabiriwe n'abakinnyi 70 mu byiciro bitandukanye birimo abakuru n'abato mu bakobwa n'abahungu ndetse n'abafite ubumuga.

### Uko abakinnyi bitwaye

Mu bakiri bato mu bahungu, Nshuti yatsinze Kayiranga Innocent naho mu bakobwa Uwayisenga Sandrine atsinda Mukarukundo Yvette.

Mu bafite ubumuga, mu bakobwa, Rukundo Consolée yatsinze Mukakimenyi Esperannce.

Mu bakobwa bakuru, Gasheme Ben Christa yatsinze Kamikazi Melissa.

Mu bahungu, Musabende Regis yatsinze Mungarurire Eden.

Mu cyiciro cy'abakina ari 2, ikipe ya Chiranjith Deju Amin afatanyije Vishal Sharma yatsinze na ikipe ya Luesso Evan na Niyonkuru Thierry.

Mu batarabigize umwuga bakina bishimisha, mu bagabo, Mwangi Nelson Wambungu yatsinze Murindwa Julius naho mu bagore, Uwhoreye Tufaha yatsinze Elisa Crestani Befve.



## Volleyball: Zamalek yegukanye igikombe cy'Afurika, APR VC yongeye kwegukana umwanya wa 6

Taliki 12 kugeza 22 Gicurasi 2023, mu Mujyi wa Nabuel muri Tunisia habereye imikino y'Afurika y'amakipe yitwaye neza iwayo mu bagore "Women African Volleyball Clubs Championship 2023".

Ikipe ya Zamalek VC yo mu Misiri ni yo yeguaknye igikombe itsinze ku mukino wa nyuma ikipe ya Kenya Pipeline VC yo muri Kenya amaseti 3-1 (25-22, 18-25, 25-15 na 25-17).

Ikipe ya APR VC yari yaserukiye u Rwanda muri iri rushanwa yongeye gusoreza ku mwanya wa 6 nk'uko byagenze no mu irushanwa riheruka muri 2022.

Iri rushanwa ryari ryitabiriwe n'amakipe 16 aho yari mu matsinda 4, itsinda A ryari ririmo Carthage, QVC, Diofior na ARSU. Itsinda B ririmo KCB, Alcohol, NKV Cameroon na Saltigue. Itsinda C ryari ririmo KPR, Mouloudia, DEC na Naval spikers naho itsinda D ririmo APR VC, Letto Volleyball, Zamalek na Nigeria Customs.

### Uko amakipe yakurikiranye

Ikipe ya Zamalek VC yegukanye umwanya wa mbere ikurikirwa na Kenya Pipeline VC (2), Carthage (3), Mouloudia Club Alger (4), KCB (5), APR VC (6), Naval (7), NKV Cameroon (8), ARSU (9), Letto (10), QVC (11), DEC (12), Nigeria Customs (13), Saltigue (14), National Alcohol Liquor Factory (15) na Diofior (16).

Mu irushanwa riheruka muri 2022, ikipe ya KCB ni yo yegukanye igikombe itsinze ku mukino wa nyuma Al Ahly naho ikipe ya APR VC isoreza ku mwanya wa 6 mu gihe RRA VC yo mu Rwanda yasoreje ku mwanya wa 9.



## Football: Etoile de l'Est FC n'Amagaju FC zazamutse mu cyiciro cya mbere

Taliki 20 Gicurasi 2023 ni bwo hasojwe imikino ya shampiyona y'icyiciro cya kabiri mu mupira w'amaguru mu bagabo aho ikipe ya Etoile de l'Est FC n'Amagaju FC zabonye itike yo kuzamuka mu cyiciro cya mbere mu mwaka w'imikino utaha wa 2023-2024.

Mu mukino wabereye i Nyagisenyi mu Karere ka Nyamagabe, Amagaju FC yatsinze Etoile de l'Est FC igitego 1-0 naho umukino wabereye kuri Sitade Mumena, Vision FC inganya na Gicumbi FC igitego 1-1.

Nyuma y'iyi mikino, Etoile de l'Est FC yasoreje ku mwanya wa mbere n'amanota 10 inganya n'Amagaju FC. Ikipe ya Gicumbi FC yasoreje ku mwanya wa 4 n'amanota 8 naho Vision FC isoreza ku mwanya wa nyuma wa 4 n'amanota 4.

Ikipe ya Etoile de l'Est FC ikaba ari yo yegukanye igikombe cya shampiyona y'icyiciro cya kabiri ndetse inazamuka mu cyiciro cya mbere. Aya makipe yombi, akaba agarutse mu cyiciro cya mbere kuko Etoile de l'Est FC yakinnye umwaka w'imikino wa 2021-2022 mu cyiciro cya mbere ihita isubira mu cyiciro cya kabiri naho Amagaju FC yaheruka mu cyiciro cya mbere mu mwaka w'imikino wa 2018-2019.



## Tennis : Niyigena na Umumararungu ni bo begukanye irushanwa ryo Kwibuka

Kuva taliki 13 kugeza 20 Gicurasi 2023 muri Cercle Sportif de Kigali mu Rugunga habereye irushanwa ry'umukino wa Tennis ryo Kwibuka abari mu muryango mugari wa siporo bishwe muri Jenoside yakorewe Abatutsi mu 1994, aba barimo abari abakinnyi, abatoza, abasifuzi n'abakunzi b'umukino wa Tennis by'umwihariko.

Iri rushanwa "Tennis Genocide Memorial Tournament 2023" ryari ryitabiriwe n'abakinnyi basaga 140 ryateguwe n'ishyirahamwe ry'umukino wa Tennis mu Rwanda "RTF" ku bufatanye na Minisiteri ya Siporo "MINISPORTS" na Komite Olempike y'u Rwanda.

Aba bakinnyi bahatanye mu byiciro bitandukanye birimo icy'ababigize umwuga, abakanyujijeho ndetse n'abafite ubumuga.

Mu babigize umwuga mu bagabo, Niyigena Etienne ni we wegukanye irushanwa atsinze Muvunyi Yannick amaseti 2-0 (6-0 na 6-4).

Mu bagore, Umumararungu Gisele yegukanye umwanya wa mbere atsinze ku mukino wa nyuma, Mutuyimana Chantal amaseti 2-0 (6-4 na 6-2).

Mu bagore, Imaniragena Yvonne yegukanye umwanya wa mbere atsinze Burasa Charlotte amaseti 2-0.

Abitabiriye iyi mikino banasuye Urwibutso rwa Jenoside yakorewe Abatutsi rwa Kigali ku Gisozi.



## Cycling : Habaye irushanwa ry'abakiri bato

Taliki 21 Gicurasi 2023 mu Karere ka Bugesera habereye irushanwa ry'umukino wo gusiganwa ku magare mu bakiri bato "Youth Racing Cup 2023".

Iri rushanwa ryari ryitabiriwe n'abakinnyi bari mu byiciro bitandukanye harimo abatarengeje imyaka 15, 17 n'abatarengeje 19.

Irushanwa ryateguwe n'ishyirahamwe ry'umukino w'amagare mu Rwanda "FERWACY" mu rwego rwogutegura shampiyona y'lsi y'Amagare izabera mu Rwanda muri 2025.

### Uko irushanwa ryagenze

- Abahungu U-15 (12 km)**

1. Gisubizo Issa 28'22"
2. Ndacyayisaba Ishaika 28'34"
3. Mizerre Oreste 33'20"

- Abakobwa U-15 (12 km)**

1. Ishimwe Cynthia 35'10"
2. Niyogisubizo Divine 36'01"
3. Nyiribambe Adelyne 36'10"

- Abahungu U-17 (18 km)**

1. Niyotwizera Lambert 40'52"
2. Shema Robert 41'03"
3. Nzayikorera Pacifique 45'02"

- Abakobwa U-17 (12 km)**

1. Niyokwizerwa Clementine 26'43"
2. Masengesho Yvonne 29'14"
3. Ishimwe Francoise 33'30"

- Abahungu U-19 (24 km)**

1. Shyaka Janvier 47'09"
2. Ntirenganya Moses 48'10"
3. Nshimiyimana Phocas 48'29"

- Abakobwa U-19 (18 km)**

1. Byukusenge Mariethe 41'55"
2. Iragena Charlotte 41'45"
3. Uwera Aline 43'32"



## Swimming: CS Karongi yegukanye shampiyona ikinirwa mu mazi magari

Taliki 20 Gicurasi 2023 mu Karere ka Karongi habereye irushanwa ryo Koga mu biyaga "Open Water National Swimming Championship 2023" ryateguve n'ishyirahamwe ry'umukino wo Koga mu Rwanda "RSF".

Ikipe ya CS Karongi ni yo yitwaye neza yegukana iri rushanwa ryakinwe mu kiyaga cya Kivu aho yahigitse andi makipe arimo Rubavu SC, Gisenyi Beach Boys, Rwanmagana SC, Les Dauphins, Mako Sharks na Aquawave SC.

Iri rushanwa ryari ryitabiriwe n'abakinni 60 aho bahatanye mu byiciro bitandukanye birimo gusiganwa kilometero 5 ( 5km), 3 (3km), metero 1000 (1km) na metero 400.

### Uko irushanwa ryagenze

Mu bagabo basiganwe muri kilometero 5 (5km), Dusabe Claude yegukanye umwanya wa mbere akoresheje isaha 1, iminota 18 n'amasegonda 45. Yakurikiwe na Iradukunda Eric wakoresheje isaha 1, iminota 19 n'amasegonda 12. Aba bakinni bombi bakinira ikipe ya CS Karongi. Ku mwanya wa gatatu haje Maniraguha Eloi ukinira Mako Sharks wakoresheje isaha 1, iminota 20 n'amasegonda 38.

Mu bagore, Nyiranyabyenda Neema yegukanye umwanya wa mbere akoresheje isaha 1, iminota 38 n'amasegonda 26 akurikirwa na Ishimwe Claudette wakoresheje isaha 1, iminota 45 n'amasegonda 12. Aba bakinni bombi bakinira ikipe ya CS Karongi.

Mu gusiganwa kilometero 3 (3km) mu cyiciro cy'abahungu bafite imyaka 18 kuzamura, Iradukunda Jean yegukanye umwanya wa mbere akoresheje iminota 46 n'amasegonda 49 akurikirwa na Ishimwe Héritier wakoresheje iminota 58 n'amasegonda 25. Aba bakinni bombi bakinira CS Karongi. Ku mwanya wa 3 haje Duniya Hassan ukinira Aquawave SC wakoresheje isaha 1, iminota 20 n'amasegonda 5.

Mu gusiganwa kilometero 3 mu bahungu bafite imyaka hagati ya 15 na 17, Byiringiro Christian ukinira CS Karongi yitwaye neza aba uwa mbere aho yakoresheje iminota 43 n'amasegonda 18.

Mu bakobwa, Uwurukundo Ruth ukinira Rubavu SC yegukanye umwanya wa mbere akoresheje isaha 1, umunota 1 n'amasegonda 3 akurikirwa na Mushimiyimana Godance ukinira Les Dauphins aho yakoresheje isaha 1 n'iminota 10.

Mu gusiganwa intera ya kilometero (1km), mu bahungu bafite imyaka hagati ya 15 na 17, Bukombe Christian yegukanye umwanya wa mbere akoresheje iminota 17 n'amasegonda 46 akurikirwa na Niyomurengezi Shema wakoresheje iminota 19 n'amasegonda 5 naho Byukusenge Christian yegukana umwanya wa 3 akoresheje iminota 19 n'amasegonda 41. Aba bakinni bose bakinira ikipe ya CS Karongi.

Mu bakobwa, Uwurukundo Ruth ukinira Rubavu SC ni we witwaye neza aho yakoresheje iminota 23 n'amasegonda 50.

Mu bahungu bafite hagati y'imyaka 12 na 14, Uwajeneza ukinira CS Karongi yegukanye umwanya wa mbere akoresheje iminota 17 n'amasegonda 37, yakurikiwe na Niyibizi Vincent ukinira Les Dauphins wakoresheje iminota 17 n'amasegonda 53 naho ku mwanya wa 3 haza Mugisha Nicolas ukinira CS Karongi wakoresheje iminota 18 n'amasegonda 31.

Mu bakobwa, Nyiransengimana Francine ukinira Les Dauphins yitwaye neza akoresha iminota 20 n'amasegonda 14.

Mu gusiganwa intera ya metero 400, mu bahungu bafite hagati y'imyaka 12 na 14, Mugisha Cedrick ukinira Les Dauphins yegukanye umwanya wa mbere aho yakoresheje iminota 6 n'amasegonda 49. Yakurikiwe na Sutanali Salim ukinira Gisenyi Beach SC wakoresheje iminota 6 n'amasegonda 51 naho ku mwanya wa 3 haza Uwimbabazi Joshua ukinira CS Karongi wakoresheje iminota 6 n'amasegonda 53.

Mu bakobwa, Akandikumutima Emertha yegukanye umwanya wa mbere akoresheje iminota 6 n'amasegonda 6 akurikirwa na Iradukunda Pamela wakoresheje iminota 7 n'amasegonda 14 naho ku mwanya wa 3 haza Nyiransengimana Francine wakoresheje iminota 7 n'amasegonda 25.

Abakinni 2 mu bahungu n'abandi 2 mu bakobwa ni bo batoranyijwe bakazaserukira igihugu mu mikino y'Afurika izabera muri Tunisia muri Kamena 2023





Website: [www.olympicrwanda.org](http://www.olympicrwanda.org)

[www.olympicrwanda.org/commonwealth](http://www.olympicrwanda.org/commonwealth)

Email: [cnosr@olympicrwanda.org](mailto:cnosr@olympicrwanda.org) | @RwandaOlympic

Address: Remera-Hallmark Center Building KG 17 Ave